



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Disp. VIII. De privilegiis

[urn:nbn:de:hbz:466:1-77355](#)

Ubi tamen obiter animadvertisendum est, istud tempus tantum in foro externo requiri, nam in interno & in conscientia possumus aliquid tanquam consuetudine firmatum observare, quando constat plerique viros bonos ita se gerere, & morem istum observare, tametsi legitimè prescriptus non sit, nec habeat numerum annorum quem assignavimus. Et quantum ad hoc verum dicunt authores tertiae sententiae.



DISPV TATIO VIII.

De privilegiis.

HAec tamen actum est de lege totam communitatem obligante, nunc superest nobis agendum de legibus, quæ privatas personas respiciunt, easque à communia legis obligatione eximunt, ideoque privilegia appellantur. Unde sit

ARTICVLVS I.

Quid & quotuples sit privilegium?

DIeo primò, privilegium est *lex privata, speciale aliquid indulgens*. Ita definitur cap. *Abbate*, de verb. signific.

Explicatur breviter haec definitio. Privilegium dicitur *lex*, quia per modum legis stabiliter conceditur, unde non expirat cum morte concedentis, ut præceptum. Subditur *privata*, vel quia non ad omnes, sed ad privatas duntaxat personas spectat, vel quia privilegiantur eximunt à communione. Additur, *speciale aliquid indulgens*, ut propria privilegii natura explicetur, quæ est, ut per illud aliquid speciale ultra jus commune privilegiato concedatur.

Ex his intelliges privilegium à lege, dispensatione, & gratia differre. A lege quidem in duabus; quia primò lex jus commune, privilegium vero jus speciale respicit. Secundo, quia lex quādiū est in vigore, semper obligat subditos: privilegium vero à legis observatione privilegiantum excipit. A dispensatione similiiter differt in duabus, primò, quia dispensatio semper est alicuius legis, non privilegium. Secundo, quia dispensatio ad unum actum, putà ad unicū matrimonii impedimentum tollendum, conceditur, sicut lex dici non potest, cùm non sit permanens; privilegium vero debet dare jus aliquo modo stabile. Unde si interdum dispensatio concedatur per modum legis stabilis & permanentis, ut de non jejunando pro tota vita, vel de jejunando in ovis & lacticiniis, talis dispensatio potius habet rationem privilegij. Demum privilegium à gratia differt, sicut inferioris à superiori, quia privilegium quolibet est gratia, sed non qualibet gratia est privilegium; dispensatio enim v. g. ab aliqua irregulatate, vel absoluțio ab excommunicacione, gratia quidem, sed non privilegium dici potest.

Intelliges etiam ex dictis, quod sicut de essentia legis non est quod sit scriptis exarata, ita nec ad essentiam aut valorem privilegii, scriptura necessaria est; sed sicut lex potest verbo vel scripto statui, ita & privilegium. Unde in Clementina

ADUDUM, de sepulturis, sic ait Pontifex: *Nos nulli verba privilegia, gratias, indulgentias, verbo vel scripto concessa &c.* Et Sextus IV. in Extravantanti, *Eis dominici gregis, de penit. & remiss. affterit, concedi privilegia & facultates à Sede Apostolica, verbo, vel scripto.*

Dico secundò, privilegium jam descriptum, dividit in varias species. Dividitur enim primò in reale & personale. Reale est, quod datur directè & immediatè alicui rei, muneri, & conditione distincte à persona: ut causa pietatis, templo, praedium &c. vel statuti Clericali, muneri Episcopali, officio Præsidis, conditioni pupillorum, scholasticorum, &c. Personale est, quod immediatè datur persona, ratione sui, & ex intentione ut ei provideatur; ut si alicui concedatur, ut non solvat decimas, sit immunitis à tributo, absolvere possit à reservatis, aut dispensare ab irregularitatibus. Reale est perpetuum, & durat cum re, officio, statu, dignitate, aut conditione, cui annectitur. Personale est ad tempus, extinguiturque cum persona, cui conceditur, iuxta regulam 7. iutis in sexto: *Privilegium personale personam sequitur, & extinguitur cum persona.*

Dividitur secundò in privilegium gratiosum, remunerativum, & conventionale. Gratiosum est, quod datur gratis sine ullis meritis privilegiati, vel parentum, aut aliorum, ipsi communicatis, quibus privilegium ut merces respondeat, & non solum ut motivum, vel occasio dandi. Remunerativum est, quod datur in præmium meritorum privilegiati, aut aliorum ipsi communicatorum. Conventionale, quod datur pacto seu conditione interveniente, ratione ejus privilegiatus censetur emere vel recompensare privilegium.

Dividitur tertio in locale & generale. Isto utiliter ubique, illo non nisi in loco pro quo concessum est; ut efsi carnium in Francia diebus aliquot sabbati, & laeticiniorum in quadragesima. Quando autem sit locale, cognoscitur, vel quia exprimitur in privilegio, vel quia ex causa particulari concessionis satis colligitur, ut efsi laeticiniorum in quadragesima, ubi deest copia olei & piscium.

Dividitur quartò in favorable & odiosum: favorable est illud quod nemini affert incommodum, cuiusmodi est privilegium audiendi missam tempore interdicti, vesendi butyro & laeti in Quadragesima, faciendo testamentum sine solemnitate juris &c. Odiosum illud est, quod licet favet privilegiato, alteri tamen simul nocivum est, quale est privilegium, quo quis capax redditur ad habenda plura beneficia.

Dividitur quintò in affirmativum & negativum. Affirmativum illud est, quo facultas aliquid faciendo conceditur. Negativum, quod dat facultatem ad aliquid omitendum. Plures sunt aliae divisiones privilegij, pro quatum notitia recursum est ad eos qui de privilegiis ex professo & fusi tractaverunt.

Quæres, quandonam privilegium incipiat in privilegiario suos effectus operari? An quando in curia authenticè expeditur, & subscribitur, seu bullatur; vel cum per procuratorem in urbe, nomine ipsius privilegiarii acceptatur; vel demum cum notitia conceSSIi privilegii pervenit ad aures privilegiarii?

Respondeo distinguendum esse duplex privilegium, alterum concessum per modum legis aut statuti generalis, ut privilegium concessum in favorem Clericorum, can. *Si quis suadente 16. qu. 4.* alterum

alterum per modum rescripti alicui particulari personæ, aut Religioni concessum. Si sermo sit de primo, certum est illud non operari suum effectum ante promulgationem, quia cum tradatur per modum legis, obligando omnes, & lex ante promulgationem vim operandi non habeat, suum effectum ante promulgationem non operabitur: imo facta promulgatione, adhuc requiritur notitia ipsius promulgatae legis, ut pena incurrit, ut patet de predicto privilegio in favorem Clericorum concessio; nullus enim penam excommunicationis late sententia contra percutientes Clericos incurrit, nisi hujus legis seu privilegii Clericis concessi notitiam habeat. Si vero quæstio sit de privilegio secundi generis, adhuc distinguendum est, nam illud continet dispensationem ab aliqua lege, ut privilegium de non jejunando tempore precepto, aut de contrahendo matrimonio cum aliqua in gradu prohibito; vel nullam continet à lego dispensationem, ut esset privilegium acquirendi decimas, vel non solvendi tributum. Primi generis privilegium, suum effectum in privilegiario non operatur ante notitiam concessi privilegij: v.g. dispensatio contrahendi matrimonium cum consanguinea, debet partibus innoscere, ut validè contrahant, nec sufficit dispensationem in curia Romana authenticè expeditam & subscriptam seu bullatam esse, si adhuc partes id ignorent. Ratio est, quia nunquam presumuntur Pontifex privilegium concedere pro tempore quo ipsius usus non est licitus, nunquam enim presumuntur uti suā potestate in destructionem: Sed usus dispensationis contrahendi matrimonium cum consanguinea, non est licitus ante notitiam illius, revera enim peccaret, & male ac imprudenter ageret, qui ante dispensationis notitiam matrimonium cum consanguinea contraheret. Ergo ante talem notitiam non presupponitur Pontifex talem dispensationem concedere. Unde si Paulus v. g. in sacris constitutus, matrimonium contrahat cum Laura, ante dispensationis notitiam, matrimonium erit nullum. Privilegium vero secundi generis jus tribuit, effectumque operatur, ab ipsa die acceptationis per procuratorem, ante ullam notitiam a privilegiario habitam; quia cum procurator faciat unum cum ipso privilegiario, ut morale instrumentum cum principali agente, quidquid agit procurator nomine privilegiarij, privilegiarius ipse agere censetur.

ARTICVLVS II.

De cessatione privilegiorum.

Varia circa privilegiorum cessationem proponi solent difficultates, quas ad maiorem claritatem, sequentibus quaestis proponemus ac resolvemus.

Quæres ergo primò, an cessante causâ privilegii, ipsum privilegium cesseret?

Respondeo affirmativè, contra Suarem lib. 8. de legibus cap. 36. Cum enim privilegium concedatur à Principe, propter usum, non minus honestam causam requirit privilegii usus, quam privilegii concessio: Ergo etiam si honestam causam habuerit privilegii concessio, si tamen ea cessaat in usu privilegii, ipsum quoque privilegium cessare censeretur.

Constatuerat ex lege Vrianus ff. de fidei jussori. Tom. III.

A bus, in qua sic dicitur: *Quod pervenit ad statum in quo incipere non posset, in eo remanere non potest.* ubi glossa: *Quod impedit ad faciendum, destruit quoque jam factum.* Quibus verbis tam lex citata, quam Glossa eandem requirunt in usu ac in concessione privilegii causam, idemque subinde docent impedire privilegii usum, quod privilegii concessionem impedivisset: Sed cause honestæ defectus, concessionem privilegii impedivisset: Ergo & ejus cessatio, privilegii usum & conservacionem impedit.

Confirmatur amplius ex cap. Tua, de Clericis non reside tibus, ex quo habetur quod cessat privilegium indultum Canonis, ut absentes recipiant fructus præbendarum suarum in gratiam studiorum: cessat, inquam, eum studiis incumbere desinat: Ergo cessante causâ privilegii, ipsum quoque privilegium cessat.

Limitatur tamen primò hæc sententia, nisi privilegatus perfecit consummatumque jus acquisierit in rem privilegio vel dispensatione concessam, ut si habenti unum beneficium, concessum sit aliud ad sufficiens beneficiarii sustentationem; nam eti⁹ postea solius primi beneficii preventu sustentatur, non amittit secundum, quod intuitu sufficientis sustentationis collatum fuit, eo quod in illud perfectum consummatumque jus acquisierit.

Limitatur secundò, nisi privilegium vel dispensatio concedatur ob aliquod morale periculum evitandum, ut si cum fœmina castitatis voto astricta, ob morale periculum incontinentia, dispenseatur, ut nubere possit, si postea periculum incontinentiae cesseret, vel ob senilem etatem, vel ob diuturnam & gravem infirmitatem, vel alias ob causas, dispensationis privilegium non cessat, sed cessante etiam periculo, propter quod cum ea dispensatum fuit, licet nubere potest.

Limitatur tertio, nisi privilegium vel dispensatio sit de re quam princeps etiam sine gravi causa honestè concedere potest, cuiusmodi est privilegium de anticipando officio divino, quod quæcumque levis causa honestare potest. Quare illud concessum ob nimias occupationes in studiis, vel in alio munere obeundo, non cessat, cessante causā, quia censetur Pontifex illud absolutè concedere, cum ex quacunque levi causa illud honestè concedere possit. Econtra vero privilegium alicui concessum non recitandi horas, ob gravem causam, v.g. ob exercendum munus graviosi momenti, cessat, quando tale munus amplius non exercetur, quia tale privilegium, vel dispensatio, non est de re quam Pontifex etiam sine gravi causa, honestè concedere possit.

Quæres secundò, an cesset privilegium morte concedentis?

Respondeo privilegium continens gratiam factam, non expirare morte concedentis, quia tale privilegium est veluti quedam species donationis; donationem autem non extinguitur morte donantis: privilegium vero continens gratiam faciendam, morte donantis extingui, quia tale privilegium non se habet ut donatio, sed potius ut mandatum. Tunc enim gratia qua continetur privilegio, dicitur facta, cum immediate alicui conceditur, ut cum v. g. Summus Pontifex immediate concedit Petro facultatem eligendi confessarium. Dicitur autem facienda, cum non immediate conceditur ei in eius favorem privilegium conceditur, sed mandatur alteri, ut talem gratiam ei conferat, ut cum Summus Pontifex Episcopo

BBb

mandat, ut aliqui beneficium conferat, vel cum eo super aliquam irregularitatem dispenset.

17.

Hinc sequitur, quod quando Pontifex potestatem faciendi concedit delegato, in gratiam ipsius delegati, non expirat morte concedentis, quia tunc gratia est ipsa potestas faciendi gratiam, que hoc ipso intelligitur facta, quo est collata delegato: at verò quando talis potestas conceditur intuitu tertii, expirante concedente, expirat collata potestas, si in vita concedentis non habuit effectum. Unde in cap. *Si cui nulla*, de probab. in 6. sic dicitur: *Si cui nulla personarum facta expressione, sit gratis concessa facultas, ut auctoritate Apostolica possit aliquibus personis idoneis in certa Ecclesia provideri &c. hujusmodi concessio non expirat, etiam re integrâ, per obitum concedentis: secùs si super provisione certa persona facienda, sit data potestas eidem, non ob suam, sed ejus cui provideri mandatur, gratiam vel favorem; illa quidem expirat omnino, si concedens, re integrâ, moritur.* Hanc tamen posteriorem regulam limitant aliqui, nisi facultas quæ in gratiam tertii conceditur, sit de re spirituali spectante ad bonum animæ; nam tunc non videtur mens concedentis esse, ut ea expire per obitum ipsius, ut si Pontifex committat Petru potestatem absolventi Petrum à casu reservato, talis potestas non videatur morte Pontificis expirare, cùm sit de re spirituali concernente animi bonum; hoc enim postulare videtur spiritualis animarum salus, ne propter executionis moram detrimentum patiantur. Unde citatum caput *Si cui nulla*, intelligendum est de facultate in ordine ad res temporales.

18.

Quæres tertio, an privilegium expirat, eo cui conceditur expirante?

Respondeo privilegium personale extingui cum persona, quia personam sequitur, ut dicitur regulâ 7. de regulis juris in 6. non autem privilegium reale, quia non est annexum personæ, sed muneri, dignitati, aut conditioni distinctæ à personæ.

19.

Quæres quartio, an privilegium in favorem privilegiati concessum, per ipsius renuntiationem cesset & amittatur?

Respondeo illud cessare, quando talis renuntiatione acceptatur ab eo qui privilegium concessit, nam tunc dissolvitur contractus qui inter privilegium concedentem & acceptantem intercessit; secùs verò si talis renuntiatione ab eo qui privilegium concessit acceptata non fuerit; cùm enim privilegium à voluntate concedentis pendeat, non definit, sed moraliter ab illo conservari censetur, donec renuntiationem à privilegiario factam acceptaverit. Loquimur autem hic de privilegio quod in potestate faciendi vel non faciendo aliquid contrarius commune consistit, non autem de privilegio seu dispensatione, quæ in ablacione aliquius canonici impedimenti versatur, ut est dispensatio ab aliqua censura, vel impedimento matrimonii, tale enim privilegium non cessat per renuntiationem ipsius privilegiarii, cùm id quod factum est, non factum esse nequeat, neque id quod ablatum est redire, præterim per privatam hominis voluntatem.

20.

Quæres quinto, an privilegium per non usum seu desuetudinem amittatur?

Respondeo privilegia odiosa, quæ scilicet redundant in gravamen & quasi servitutem aliorum, amitti præscriptione longi temporis, per non usum privilegii; ut de nundinis dicitur expressè L. i. ff. *De nundinis*, ubi statuitur ut pri-

A vilegium nundinarum, per non usum, decennio amittatur. Ratio est, quia præscriptio æquè locum habet contra ejusmodi onera & servitutes, ac contra quasvis alias. Si verò privilegia sint merè favorabilia, & non cedant in præjudicium aliorum, non amittuntur per præscriptionem; quia neque ipse privilegiarius contra seipsum præscribere potest; nec alii contra ipsum, quia ipsorum nihil interest.

Quæres sexto, an privilegia amittantur per delictum ipsius privilegiarii?

Respondeo quod delictum duplex esse potest, unus non pertinens ad usum privilegii, & tale delictum non tollit privilegium, nisi in casibus jure expressis; quo pacto Clericus mercatur ex exercens, perdit privilegium clericale fori: cap. ultimo, *de vita & honestate Clericorum*. Alterum pertinens ad usum privilegii, id est abusus privilegii, vel per excessum facultatis concessæ, vel sumendo inde occasionem licentius vivendi, liberiusque peccandi, præcipue cum scandalo & detimento boni communis; & per hujusmodi delictum, seu abusum, tolli potest privilegium, nam privilegium meretur amittere, qui permisit sibi abutitur potestate, ut dicitur cap. Vbi dist. 74. cap. *Privilegium II. qualif. 3. cap. Licet de regularibus, & cap. Vt privilegia, de privilegiis. Quia tamen canones non privant ipso facto, sed post sententiam judicis. Si tamen abusus privilegii, finem illius tollat, ipso facto privilegium amittitur, quia finis habet se ut fundatum privilegii, unde ipso ruente, privilegium ruat necesse est: v. g. privilegium beneficiato ad residentiam obligato, lucrandi fructus præbendæ sua, abque residencia, ob studium litterarum, si non studet, amittitur ipso facto, quia tunc abusus privilegii, detruit finem illius.*

Quæres septimo, an privilegium semel concessum revocari possit, subindeque per revocationem cessare?

Respondeo privilegium à Principe subditis concessum, vel esse omnino gratuitum, vel onerosum, ut est privilegium remunerativum præteriti aut futuri laboris, aut fundatum in aliquo contractu justitiae inter Principe & subditum. Si privilegium sit merè gratuitum, & consistens in mera potestate aliquid agendi vel non agendi contra commune jus, semper est ad Principis nutum, etiam sine causa, validè revocabile; quia Princeps, qui abstulit præceptum commune, per concessionem privilegii, potest iterum illud imponere; & talis privilegii concessio, non est acquisitionis alicuius dominii, sed dispensatio quadam in jure communi, quæ semper pendet à Principis voluntate. Dixi, *validè revocabile*, quia ut talis revocatio honestè & decenter fiat à Princeps, aliquam causam requirit; decet enim concessum à Principe beneficium esse manusum, ut haberet regulâ 16. de regulis juris in sexto. Si verò privilegium non sit purè gratuitum, sed onerosum, ut privilegium remunerativum, & conventionale, est per se irrevocabile; quia iure naturali tenetur Princeps servare pacta, etiam cum subditis. Per accidentem tamen, sicut potest privare subditos aliis bonis, quando necessitas boni communis id postulat; ita etiam potest eos privare concessis antea privilegiis. Potest enim per jus ultum, de illis juribus, æquè ac de aliis bonis inferiorum disponere, quantum exigit necessitas boni communis. Debet tamen aliter compensare hanc privationem, si potest.

DE LEGVM INTERPRETATIONE. 563

- 23.** Quæres octavò, quot modis privilegium revocari possit?
- Respondeo illud duobus modis revocari posse, nimirum per expressam, & tacitam revocationem. Expressa revocatio est, qua sit per verba sufficienter indicantia revocationem privilegiorum, vel in specie, ut cùm v. g. dicitur, *non obstante tali privilegio*, vel in genere, ut cùm dicitur, *non obstante quibuscumque privilegiis*. Per tacitam verò revocationem, ea intelligitur, qua sit per superioris actum, qui subsistere non potest absque derogatione privilegii, ut cùm v. g. juber superior tributum exigat ab eo quem à tributo exonerat, aut cùm concedit novum privilegium cum altero incompatible.
- 24.** Censent autem plures Theologi & Canonistæ, privilegia corpori juris inserta non revocari, nisi ille qui habet revocandi potestatem, faciat expressam illorum mentionem; ita ut non sufficiat clausulæ generales, quæ tantum vim habent in privilegia non inserta corpori juris.
- 25.** Advertendum est etiam, privilegii revocationem fieri possè dupliciter, nempe per legem, & privatim. Si fiat primo modo, requiritur revocationis publicatio; quia pars est ratio obligationis legis & revocationis privilegii: Ergo sicut lex non obligat ante promulgationem, sic nec revocationis suum fortuit effectum ante publicationem. Si verò privilegii revocationem fiat secundo modo, non est opus predicta publicatione, sed sufficit ut ipsi privilegario ipsa revocatione innoteat. Sic facultas Sacerdoti concessa ad absolvendum à casibus reservatis, cessat statim atque ejus revocatione illi intimatur & innoteat.



DISPV TATIO IX.

De legum interpretatione.

DE legibus humanis tam in communione quam in particulari, præcedentibus disputationibus fusè differimus, nunc breviter agendum est de illarum interpretatione, seu variis modis eas interpretandi, & præcipue de epikia, & necessitate interpretandi legem per illam. Unde sit

ARTICVLVS VNICVS.

De variis modis interpretandi leges humanas, & præcipue de epikia.

- 1.** **D**ico primò, triplicem esse legis humanæ interpretationem, nimirum authenticam, usualem, & doctrinalem. Ita colligitur ex Glossa in legem si de interpretatione, ff. de legibus.
- Probatur breviter, quia legum humanarum interpretatione, vel sit autoritate ipsiusmēr qui condidit legem, sive dicunt authentica, & vim legis haber, ut colligitur ex lege ultima Cod. de legibus. Vel sit uero quodam & consuetudine, juxta id quod dicitur cap. *Cum dilectus*, de consuetudine: ubi consuetudo dicitur optima legum interpretatio, sive dicunt interpretatio usualis. Vel deinde sit per doctrinam interpretatio, sive dicunt interpretatio doctrinalis, quæ licet vim legis

A propriè non habeat, suum tamen authoritatis gradum habere non definit.

Dico secundò, legis humanæ interpretatio per epikiam, in aliquibus casibus necessaria est.

Probatur: Epikia ab Aristotele s. Ethic. cap. 10. definitur *Emendatio legis ea ex parte quæ deficit propter univer/ale*: id est æqua & rationabilis interpretatio, quod lex non obliget in aliquo particulari casu, licet verbis universalibus à Legilatore data sit. Exempli gratiâ, lex generalis est, depositum esse reddendum; æqua tamen & rationabilis interpretatio est, non debere redi in eo casu, quo noceret repetenti, aut alteri innoxio; ut si furiosus ensem suum repeatat ad seipsum occidendum, vel alium, sine justa causa. Lex generalis est, ne aperiantur noctu portæ civitatis; sed non obligat in eo casu, quo noctu advenirent copiae auxiliares, urbis defensioni necessariae, effete que periculum ne si mox in urbem non admittentur, interficerentur ab hostibus urbem obsidentibus: Ergo legis humanæ interpretatio per epikiam, in aliquibus casibus necessaria est, alioquin fieret contra rectam rationem, ut constat in exemplis adductis.

Dico tertio, non solùm epikia habet locum interpretandi legem, quando est evidens esse licitum verba legis observare, sed etiam quando est evidens, nimis durum esse observare illam.

C Probat: Lex humana debet esse possibilis secundum naturam & consuetudinem patriæ, id est facilis observationis, ut suprà ex Isidoro & Divo Thoma visum est: Ergo si in aliquo casu inventur nimis dura, habet locum epikia, quæ est emendatio legis propter defectum. Unde David 1. Regum 21. judicavit legem prohibentem alias quam Sacerdotibus edere panes propositionis, non obligare in ea necessitate (quamvis non extrema) in qua erat ipse cum suis constitutus. Similiter Apostoli Matth. 12. interpretati sunt legem sabbati non obligare ad non vellendas spicas, in simili necessitate edendi. Quod sapienter factum est dubitari non potest, cùm utrorumque factum Christus loco citato laudaverit.

Dico quartò, stante judicio dubio, non habet locum epikia, sed conveniri debet superior, vel non est agendum præter verba legis Ita Divus Thomas hic quæst. 96. art. 6. ad 2. ubi sic ait: *Ille qui sequitur intentionem legislatoris, non interpretatur legem simpliciter, sed in casu in quo manifestum est per evidentiam documentum legislatorum aliud intendisse. Si enim dubium sit, debet vel secundum verba legis agere, vel superiore consulere.*

Ratio etiam id suadet, in dubiis enim melior est conditio possidentis: Sed in casu positio, lex possidet: Ergo secundum verba ejus est agendum, si superior consuli non potest.

Confirmatur ex percelebri llo sacrorum Canonum axiomate: *In dubiis tutor pars est eligenda, quod defumitur ex cap. Ad audienciam, de homicidio, & ex cap. Significati 2. eodem titulo, & ex cap. Iuvenis, de Iponsalibus, ubi sic dicitur: In his que dubia sunt, quod certius existimamus tenere debemus.* Unde S. Thomas quodlib. 8. art. 13. *Si quis in quandam dubitationem inducitur contrarietate opinionum, & manente dubitatione, plures probandas habet, pericolo se committit, & sic proculdubio peccat.* Sed stante judicio dubio de mente legislatoris, tutius est secundum verba legis agere: Ergo in dubiis non habet locum epikia, sed si superior consuli non pos-

B B b i j